

續脩商志卷之二

商州知州古晉王廷伊

續脩

己卯舉人郡人李本定

訂正

庠廩生

郡人

李庚如
李曰棟

校閱

建置志

計十四則

公署

壇壝

學宮

書院

社學
養濟院
行署
關市

屬署
村落

舖舍
橋路

社倉

自秦裂九州爲郡邑雖帝王封建不可復識然相沿至今未之或改亦以佐國寧民宣德達情莫此爲便故城隍鼎設所以壯金湯於保障衙寓弘開所以肅

續脩商志

卷二

一

體統於臨涖若夫食以養生南壇北壇之必飭教以善俗大學小學之維勤輶軒有駐節之廳合屬有憑依之地郊關置郵肩踵象胥者兼譏察以無虞集市津梁受塵通貨者走梯航而遠至與夫備荒之典恤孤之資是皆王仁所關而佐寧宣達之要務也一有缺政非其國矣改革之後一切灰燼二十年來雖頗興復而廢墜者尚夥詳記始末以俟披圖者之脩舉云志建置

城池

史記秦孝公十一年城商塞後無考元安西路判官督
義兵萬戶寡骨里柘脩之舊圍二里半寬東西二面爲
五里狀如翼南城遺址尚在展其前卽今撫治州治通
衢之南闐闐列廛直達城闐樓閣高聳望如鶴翔前對
龜山所謂龜山鶴城洪武間知縣陳榮祖脩成化間知
州孫昌脩成化十八年吏目劉璽脩其半面高二丈
五尺嘉靖癸未撫治蘇公通砌叻磚隆慶丁卯知州陳
潞脩增高五尺萬曆丙子知州李石嶺脩添南北敵臺
堞樓四座庚子知州李日煦脩丙辰知州王邦俊再脩
續脩商志

卷二

二

四面城樓併水洞吏目錢人寧督工舊門樓四座東曰
觀陽扁云倉帝登臨西曰靖羗扁云玄王始封南曰鎮
遠扁云高車隱蹟北近山間西南水門舊曰靖順扁云
秦嶺僊踪

明末見在磚城一座週圍五里三分高二丈二尺女牆
五尺共二丈七尺底闊二丈頂一丈二尺堞口一千六
百六十口墩臺一十七座角樓四座上蓋腰鋪共二十
一間城壕東西比三面俱深二丈南近州河無壕

呈清順治二年春李自成東敗城口倪敵台悉平之是

年秋撫治袁公生芝設法脩補至今賴焉

公署

商州知州一員 同知裁革 判官一員兼管糧清軍
水利順治十六年裁 吏目一員巡捕 司吏三人
典吏十四人 倉庫吏各一人

清設典吏十二人

州治因元之舊洪武中知縣陳榮祖脩北至故城址東
隔南察院爲今商洛道西公廨之外地勢卑下僅一丈
五尺餘

續脩商志

卷二

三

知州衙

正堂五間萬曆初遵 聖諭扁曰愛養百姓 屏後曰
後堂頗淺陋舊名懷德知州李文瀚脩判官前御史毆
珠書忠愛堂 堂之東爲幕廳三間扁曰贊政堂 堂
之西爲恒足庫二小間相連旁二間爲倉庫書房後
堂東一間爲茶廳西一間貯儀仗庫 大門樓一座上
置鐘鼓 儀門一座東西角門御箴亭晝爾俸爾祿四
句 堂前月臺有臺榭五間庭前古栢二株 兩廊爲
六房承發架閣鋪長吏房知州王瑀脩

土地祠儀門之東 鄴侯 馬祖附土地祠內 寅賓
館在土地祠前西向大門之內知州司公祖脩署印耀
州判官趙汴成之知州王邦俊重脩題曰事友堂崇禎
癸未城陷後惟餘正堂一座

知州宅

正廳三間址高二尺堂卑陋廳事前丈餘後廳五間
又後祀神小廳三間左右各有耳房 大門知州邵炯
題曰勿欺有重垣二門植竹森茂有二大椿如葆蓋廳
之左右各有小書房三間崇禎癸未城陷俱廢

續脩商志

卷二

四

同知宅在知州宅東嘉靖七年官裁宅爲隙園知州楊
儒魯建愛山樓後廢知州蔡應齊復建亭三間題曰吏
隱 前書房三間後枕故城址如岡阜屏障古木蔭蔚
其隙地命僕樹藝效王元之種蔬自給今俱廢
判官宅在州宅西卑陋淺窄其前可脩柘門出儀門內
西崇禎癸未城破俱廢

皇清本官遷徙無常順治十年判官何遷出已費于舊
址上營住宅一院後瓦房三間左右草房各三間前堂
草房一間旁草書房二間大門一所順治十六年官裁

今房爲城守營兵住

吏目宅在儀門內東房之後左隔南察院墻吏目葛汝光脩城破俱廢今本官住薛州守祠

吏廨四十五間在西房之後曰公街 州獄在儀門西有獄神祠南北監女監禁子房 收糧櫃在大門內西扁曰平收旌善亭書扁于大門東 申明亭書扁于大門西榜廊在州前 州倉 預備倉在撫治道前城破俱廢

壇壝

續脩商志

卷二

五

社稷壇在城北迤西半里許舊有安主更衣宰牲房又有八蜡廟今俱廢其地爲啓秀閣主僧所種有撫治許公印帖

風雲雷雨山川壇舊在城南臨河河決知州李日煦易城東南隅民地三畝五分築壝設垣建室三間以妥神主後增更衣宰牲房今俱廢地爲人種

厲祭壇在城正北數步舊亦有房今廢地爲人種

學宮

商略云金學也州治西基址高爽大雲如屏城垣如帶

□經閣聳其肩文筆峰插其前泮池泉涌古井流甘誠
爲地靈所鍾宜乎人文之勝

文廟

金承安三年軍判許世安脩元大德九年知州張銓重
脩至正二十二年知州王珪重脩皆有碑在大殿前其
文皆錄藝文志嗣洪武十四年重脩正統十三年知縣
王敏脩成化九年撫治崔公忠重脩弘治十三年知州
王瑀脩正德十六年撫治蘇公乾脩正殿兩廡闕兩旁
神路引普濟渠水注類池嘉靖十三年撫治蕭公廷傑

續脩商志

卷二

六

改學門直向級石九層萬曆二十二年撫治王公孟煦
易民居拓學前雲路街知州王以孚鑿類池五尺有泉
湧出冬夏不涸移照壁于街南崇禎十一年撫治邊公
崙捐俸易殿後民地八尺擴其基鄉宦牛維曜捐貲易
民地再擴雲路撤照壁直通城下引水環遶置磚樓內
豎碑曰登雲衢城破後僅存正殿兩廡且就敝
清順治二年知州芮昌齡始置木主六年知州薛所習
置神閣新聖殿葺兩廡重建櫺星門九年撫治許公宸
易置隔扇磚甃類池又於巽方創建文昌高閣以培風

氣碑在樓下文錄藝文志十五年霪霖數月廟前樓
頽碑斷康熙二年知州王廷伊砌磚級直達城頭上建
雲路坊

先師殿五間 兩廡各七間 戟門三間門外豎明朝
重脩碑四座 櫺星門三架 泮池有磚橋石欄
啓聖公祠舊在櫺星門東明萬曆十九年署印西安二
守高拱宸移大成殿西名宦鄉賢祠舊附玄王廟明萬
曆二十五年知州邵炯脩舊啓聖祠址移置四十三年
大雨祠圯知州王邦俊重脩移玄王廟名宦鄉賢二碑
續脩商志

卷二

七

豎焉 宰牲房三間在名宦祠前 明倫堂五間 兩
廊博文約禮齋各五間 會饌堂五間俱弘治中知州
王瑀脩癸未城破僅存明倫堂

清順治三年知州芮昌齡豎扁安門祖加塗茨順治土
五年知州王思治重建兩齋各三間 敬一亭三間在
明倫堂後內藏 御製臥碑知州王思治重脩 書籍
庫在東齋房下祭器庫在西齋房下郡貢士武學鑄獻
銅爵二十七雙萬曆中學正盧敏性重脩補造今俱無
存 養賢倉舊在儀門內明中葉因室壞別貯今並無

其名 尊經閣在大成殿左萬曆丁未知州蔡應齊創
清撫治許公宸重脩康熙三年知州王廷伊又重脩
學田明萬曆二十四年學道蒞缺廩銀二百兩置買君
子澗資峪溝桃花舖地花舖地五段除糧站外議徵麥
秋租四十六石六斗三十三年申學道詳允折價每年
夏秋二稅共銀二十五兩六錢今除荒蕪侵奪外每年
資峪舖取租石餘
儒學學正一員 訓導三員明裁其一 清初裁其一
順治十六年俱裁 廩膳生員三十人 增廣生員三
續脩商志

卷二

八

十人 附學生員不限叀數 司吏一人 學正宅在
儒學儀門西 訓導宅一在學正宅前一在櫺星門西
今俱廢

書院

商山書院州城北大雲寺下嘉靖間撫治郗公建萬曆
己酉移東龍山諸士不便肄業風氣不利庚寅撫治□
溪蘇公復移舊地大門四楹扁曰商山繙經處聯□
居時出門如見拂意處閉閣以思門內東西□各三間
東聯云野外苔痕掃斷堂前燕子歸來門聯云萬壑□

門野色數竿百畝人家儀門三間東西角門各一間儀門聯云郭外一犁春雨徧深半榻山鍾內有池引山下泉水種蓮養魚池上有橋大堂五間扁曰如見黃唐聯云天錫九疇神物肇興洛水聖敷五教人文獨賁商山堂內聯云燁燁紫芝矢志不求溫飽峨峨玄扈舉頭若剖洪濛東西齋房各五間東聯云筆底烟霞偏喜長安日近空中律呂俄驚白雲春回西聯云雲過孤村野色時開錦繡蛙鳴數部深叟獨聽笙簧堂後樓一座上祀史皇扁曰龍德先天聯云苔痕隱隱龍文蹟栢葉颼颼鬼

續脩商志

卷二

九

哭聲左廚房右饌廳各三間樓西隅課藝廳三間聯云太字洞開最多情殘雲斜照柴扉半掩憑誰伴老樹孤僧樓後有臺臺上有亭扁曰曠如聯云盡水色天光只憑數點聽風聲鳥語却恨多聞落成後公聚諸生於中親爲校閱寒暑不倦記俱載藝文志龍德樓下祀蘇公於中附以念埜王公平寰田公先人謂三原馬公伯循寓商二年主商山敷教書院事成就後學宜祀書院今祀鄉賢禮當改祀未果嗣後屢戒風雨知州王邦俊重脩扁其二門曰仰紫書院與諸生課業者三年癸未之

變可憐焦土今廢地爲啓秀閣主僧耕種有撫治許公所給印帖

社學

明初城內東文昌祠太清觀西文昌祠大雲寺四處萬曆以後東止文昌祠西止儒學右壁倉帝祠

清興尚未舉行各鄉社學俱在寺廟今盡廢倉帝祠亦爲民間借寓

行署

撫治商洛道在州治東舊爲布政分司成化十三年設

續脩商志

卷二

十

本道少叅一員司撫治後蕪御多大叅憲副又加布政者公署弘治十一年少叅李公貴和改建知州王瑀脩正德十年少叅蘇公乾檄知州皮正重脩大堂三間名撫治堂東三間爲茶廳後爲吏書房兩廊爲阜隸門子房退堂五間名曰景召堂宅內上房五間左右廂房各五間東有慎獨軒三間後有園亭扁曰後樂萬曆十八年撫治蘇公濬鑿池栽蓮有紀異記園北有關王祠一間撫治楊公時寧建大門東西有官吏房儀門左右有碑記土地祠在大門內東城破後一無所存

北察院在上街按院學道恤部按臨駐劄萬曆乙卯督學李公申按院龍允脩校房於院內兩廊遇考試則月臺甬道俯建棚廠考竣撤去知州王邦俊脩崇禎癸未寇燹灰燼常調考華州多士苦之

皇清順治癸巳有知州劉正議復設處諸費五學諸生各輸銀一兩建主庭六楹大門三間解政歸丁酉知州王思治念事關學校堅意成之遂鳩工庀材晝夜督脩朞月落成大門三間二門三間東西魚門各一間甬道捲棚七間兩廂考房各一十四間大堂三間左右阜隸門子房屏後穿堂一座退堂五間東爲廚房西爲書吏房東北隅爲厠房碑記儀門之右圖見首卷

續脩商志

卷二

十一

南察院在州治東逼商洛道西地窄小制卑陋今廢布政按察二司俱州前向北相連堂前僅足旋馬大門二門相近丈許今竝廢念此地爲文廟左斂州衙前案關係最重明末因脩城取土成坑大傷風氣官士受損擬填未果

府廳在北察院東更衣所又東爲□差房兵燹無存後建薛州守祠

按州本縣治商洛道係布政分司南察院係按察司州南布按二司係總舖府廳改爲遇巡歷多借民宅以備公館

防守廳舊都指揮一員後守備一員

公署在舊州治北正德間賊破商南防兵多寓民居昔不便嘉靖六年前御史毆公珠判商州始設營房五十間於西門大雲寺隙地內其後千戶姜棟祠關帝於中今之後殿也隆慶間改公署爲察院防守移住布按二司遇按臨復移民居指揮劉德懋請以營房地爲衙門續脩商志

正廳三間曰宣武左書房西馬廐後宅三間兩廂房各三間二門大門萬曆四十二年指揮王鼎捐俸知州王邦俊重脩崇禎末年改爲今關帝廟防守仍無衙門矣清興二十年皆寓玄王廟 演武場詳備防志

屬署

醫學 陰陽學舊俱在上街明萬曆間以此易 文廟前民居拓雲路街遂廢 僧會司在大雲寺 道會司在大清觀今在城隍廟 舊有稅課司久廢

武關巡檢司巡檢一員 吏一名 州東一百八十里

衙門今廢

秦嶺巡檢司巡檢一員 吏一員衙門設牧護關州西
一百二十里今廢

清初尚有巡檢一員或在龍駒寨或在西關游移無定
居自順治七年巡檢朱大元去後再未選稅務付吏目
兼管

舖舍

商州在城總舖 西路 說法洞舖十里 胭脂關舖
二十里 仙人舖三十里俱廢 麻澗舖四十里舊地

續脩商志

卷二

十三

卑萬曆丙辰水崩知州王邦俊申移高原薛敷教地上
以備中火有社倉社學鄉約所今故址存 泥峪舖五
十五里廢 大商原舖七十里中火大舖有社倉社學
鄉約所故址存 秦嶺舖九十里有社倉社學俱廢

皇清順治十四年知州王思治重建大廳三間兩廂各三
間大門一間 郭家店舖一百五里 牧護關舖一
百二十里蓋古畜牧之場有南北牧護設巡司有察院
公館社倉社學鄉約所教場今俱廢故址俱存 再十
里至界牌坊爲藍田縣界 以上西路一百二十里九

舖設舖司九人舖兵二十四人公館門子一人 北□
黃沙嶺舖二十里萬曆乙卯水湮知州王邦俊申移高
原邵可教地內備小中火今廢惟存其址 板橋舖三
十里今廢

皇清知州王思治重建大廳三間兩廂各二間書吏厨房
各一間大門一間 岔口舖四十里中火鄉約所今
廢 常家灣舖六十里廢再十里至藥子嶺上分洛南
界 以上北路七十里四舖設舖司一人舖兵四人
南路寬平舖十五里 南石底舖二十五里小中火

續脩商志

卷二

十四

劉領舖四十五里多虎無人家 上官房舖六十里中
火鄉約所 苟坪舖七十里石碓路險再二十里至下
官房爲山陽界 以上南路九十里五舖俱廢設舖司
五人舖兵十人 東路爬樓山舖十五里 張村舖三
十里有鄉約所 夜村舖五十里中火鄉約所 棣花
舖七十里山多棣花因名有鄉約所小中火 商洛舖
八十五里古商洛縣地今爲鎮有鄉約所備大中火
龍駒寨舖一百里舊舖卑陋就圯知州王邦俊捐俸增
脩設床案厨舍可爲駐節之地有鄉約所社學 資峪

鋪一百一十里 桃花鋪一百三十里古桃花驛中火鄉約所 鉄峪鋪一百五十里 寺底鋪一百六十五里 武關一百八十里設巡檢司鄉約所有城池可守駐節之地再十里至甲橋嶺上爲商南界 以上東路一百八十里十一鋪至今一無存者設鋪司四人鋪兵二十一人經裁減司兵十一人

按舊志謂鋪舍之設取便急遞晝夜限三百里山民多借此支持戶役數名朋當兌債勢豪每遇雪雨農忙黑夜多虎失悞傳送稽查責治大爲苦累獨不念走百里續脩商志

山嶺苦於康莊三百里乎然司兵裁減似當量增工食方可嚴爲督責也

清興值大變之後四路司兵十無二三後奉部文四路共額設六十九人

社倉

胭脂關 麻澗 大商原 秦嶺鋪 泥峪店 郭家店 牧護關 南牧護關 韓峪川 泉村 張村 白楊店 夜村 龍駒寨 武關 桃花鋪 恨峪溝 南秦川 駱駝巷 土門川 赤水峪 右社倉地方

自明初奉文創行里社好義者勸令出粟每年加二起利積數十年至四千一百五十二石九斗六升萬曆間屢次奉文糶解其後穀本漸少民間消乏兼值明末二十年寇盜蕩然無存

養濟院

在州西大雲寺南明洪武年置有房三十間門墻園井俱全壞則脩之民老無依者收養其中凡五十人口每月各給銀一錢五分月有塩鈔冬有布花候缺多至六十餘人每月各給穀三斗歲厲祭以祭餘分賚之城破續脩商志

卷二

十六

後房屋僅存數間其孤貧止一十四人口糧奉

旨裁革

康熙五年復設口糧

知州

至公廷伊增脩房十間孤貧乃得安居

藥局

係舊設惠民之疾不能延醫者久廢今不詳其地

關市

關東武關 西牧護關按兩關之設適當要隘巡徼之卒譏察往來盜賊逋逃則擒而獻之負塩小販驗引疏通無引者以私塩論至於茶馬之私者有則必盤獲則必鮮明末之變人煙斷絕關門不守

清興巡檢無依弓兵未復商洛道暨商州嚴飭捕衙督
捕役日於西關內盤詰過往

市

州市上街 下街 東有白楊店集 棣花集 商洛

鎮集 老君店集 東西龍駒寨集是集水走襄漢陸
入關輔千戶成廛萬蹄通貨巨鎮也古惟任民授主往
來熙攘後以瀕河闕田百姓收客爲牙稍征逐末以備
□戶嗣又以爭利構訟殺命圖賴當道裁其半爲公車
□興佐助其後貧牙又以市日質當富室由是紳士豪

續脩商志

卷二

十七

右皆與牙儉分日權利其輸於官者六十金增額爲百
以代兩關商稅賴畢御史豁免梁州守又因牙行勒指
貨商告議申允任客投牙每小舡抽銀一錢頭匹三分
刻石爲令旅願出途賓至如歸回視十餘年前據關市
而攫金望津隘而落膽者真湯火之與衽席矣明末之
變人亡市毀商賈不通官餉難辨店戶賠累不堪
清興順治九年撫治許公宸憐而蠲之勒爲木榜永爲
後例至今尸祝又東有桃花鋪集 鉄峪鋪集 武關
集 州西二里有古樵平原疑通關市之處又西有麻

澗集 秦嶺舖集 牧護關集 北有岔口舖集
泉村集 大荆集 右諸集市州城之外惟龍駒寨口
北輻口其餘不過五穀畜產椒桃麻楮之屬而已明末
至今諸市俱廢近日惟龍駒寨商洛鎮稍成集焉

村落

城東石佛灣存 爬樓山存 觀音寺存 府君廟存
張村存 白楊店 兩水寺 洛原鎮 夜村存 孝
爺崕 地花存 銀廠溝 雙松樹 恨峪 會峪
商洛鎮存 老君店存 東西龍駒寨存 百頃灣存

續脩商志

卷二

十八

月兒潭 古峰寺 大段樹 馬鹿坪 洛峪河 資
峪舖存 紅崕口 桃花舖存 鉄峪舖存 長崗嶺
桃園子 化園子 寺底舖存 石香爐 武關存
白録砣 城西 說灋洞存 搆峪口 胭脂關存
仙人溝 麻澗存 泥峪店 大商原存 韓峪川存
黑龍峪 秦嶺舖存 郭家店 牧護關存 蒲岔溝
南秦川 存 南牧護關 上秦川存 土門川存 軍嶺
川 駱駝巷存 赤水峪 黃白岔 牛槽川 南路
流峪口存 南石底 上官房 黑山寺 北路 黃

沙嶺存 板橋存 岔口舖存 瓜峪口存 常家灣
硯瓦石存 泉村鎮存 大黃川存 大荆川存 紅
土嶺 西荆川存 閻家店存

城中街巷

官街州前 南街至南門 東新街由城隍廂至東文
昌 下街鼓樓坡至水門 上街水門北至十字街
東大街察院以東 西大街察院以西 大巷子東文
昌祠北至正街 小巷子東新街北至正街 商山廟
巷卽察院巷 學街學前西至孤老院巷口 雲路街
文廟前 觀巷大清觀西至牛家花園 後街正街後
東西抵城 孤老院巷正街大雲寺前南至花園 土
巷子正街南至學街 帝君廟巷正街北至後帝君廟
柳家巷後街南至正街玄王廟 周家巷楊家巷皆正
街北至後街 東關至玄帝廟止 南關沒於水 西
門至迎恩亭止 右在城並四鄉地方原共八十二兵
劫後四口僅存三十六 在城惟東西二地方兩關惟
西關新葺茅屋數間城內街道雖存然多隙地

橋路

續脩商志

卷二

十九

橋 西門石橋西門外撫治倪公建後圯易以木今仍之四路諸水俱冬月架木爲橋春止 白楊店洛原 高

橋 地花有四渡舡宮給工食今無香椿樹石橋知州

王邦俊脩白楊店石橋 草廟溝橋有碑

洛石橋知州王廷伊脩

路

自藍田至內鄉七百餘里唐貞元中商州刺史李西脩又自說法洞東至石佛灣嘉靖間撫治郗公元洪脩有碑記說法洞石壁正當丹水入口兩山夾立水勢□□夏秋暴雨則波濤洶湧阻絕來往撫治郗公脩棧道

續脩商志

卷二

二十

未幾輒壞萬曆乙卯知州王邦俊謀之郡人吏目劉敷政爲久遠計火攻石壁鑿山三月架梁四道削險開□砌石連棧於是避水登陸上至五鬼窰下至說法洞九二里許礪成有重脩郗公說法洞路碑記 洛原礪路舊有官渡夏水泛漲駝載病涉郡人同知王右文知縣牛中書各捐資數十金脩礪路三里許經銅佛龕前避水二道遠近便之

附記義耆李仁於孝爺嵯之東附山開路名牽羊礪路成坐化後人志其事於嵯石生平賑貸婚喪濟貧贖□

逝之日家餘粟數升州人稱之知州張士讓旌以尚義
馬理有文題贈其子李東芬李東芳應科貢孫李枝盛
輩明經青衿以行脩稱行仁之報也

舊志曰州治改創地方阻避東不過武關西不過牧
護譏察之所梯航之處通四坻聚財貨集盡在是矣
豈與通都大邑車摩轂擊者倫哉然鑿山刮地扼吭
腴血上有虎冠下有魚爛爲阱於國則已大矣古木
蒼藤雲橫雪擁荆榛不避虎豹咆哮何以跨秦連隴
通巴湘而帶虢洛哉夫通險阻來遠邇和政教利民
人塗歌巷舞如在虞商所重端有在也今擇其關王
政者關津市集村堡橋梁道路附於建置之末